

BERMEO. Beharrek irauten daben bitartean, arrail bereziak egokituko dabez



ONINTZA ENBEITA

Bermeoko sarrerako errepidea txarto dagoelako egingo dabez atontze lanak.

Sarrerako zeharkalean asfaltoa botateko beharrak hasi ziran atzo

Bihurgune guztian zebra-bideak eta argiak ipinteko asmoa daukie udal agintariek

Iratxe Astuy |

Atzo goizean hasi ziran Bermeoko bihurgunea atontzeko obrak. Beharginak, Mundakako bidean dagoen gasolindegizahararren parean hasi ziran beharrean, eta ikusi izan danagatik, momentuz erritmo ona daroe.

Bermeoko sarrerako bihurguneko konpontze lanak, BI-635 eta BI-631 errepideen luzera guztian egingo dira. Uriaren erditik igaroten dan kilometro biko errepide hori, Txibitxiaga, Santamañe, Prantsizko Deuna, Ispizuar Teodoro eta Zubiaurtar Kepa kaleak osotzen dabe. Autoak ez eze, kamioi trafikotzela izaten da egunero zeharbide horretan. Hori dala eta, errepidearen zorua kotxeagaz ibilteko egoera txarrean egon da aspalditik. «Errepide hau konpontzen dabenean, batez be autoen amortiguadoreak eskertuko deuskue», azaldu dau, umoreagaz, Bermeoko zeharkaletik egunero kotxeagaz pasau behar dan bermeotar batek.

Obren lehenengo fasean edo, zeharkale guztia asfaltauko dabe. «Hasteko, amore emonda dagozan lur zatiak altxauko

dira, eta behar dan moduan atondu osten, asfaltoa botako da», agertu dau Eugenio Alboniga Bermeoko udaltzainen buruak.

Esan beharra dago, Bizkaiko Foru Aldundiak ordainduko dabezala errepidea asfaltetako behar diran 180.000 euroak (30 milioi pezeta). Obrak amaitu ezker, orain arte Aldundiaren ardurapean egon dan errepide hori, Bermeoko Udalaren ardurapean egongo litzateke.

Autoagaz ibiltzeko arrail bakarra

Uriko sarrerako bihurgunean argitasun faltea be badagoela ikusirik, obrak egiten diran bitartean argi posteak ipinteko be aprobetxauko dabe. «Txibitxiaga kalean, esate baterako, argitasun arazoak euki izan doguz beti. Errepidearen alde horretatik hasi gara argiak ipinten eta, obrak aurrera egin ahala, zeharkale guztian joango gara argi posteak ipinten», argitu dau Jose Antonio Apraizek, Bermeoko Udaleko Zerbitzu Saileko arduradunak. Argiak ipintek 180.000 euroko kostua eukiko dau. Obra zibila deritxona, Bermeoko Udalaren ardurapean geratu da. Beste alde

EGOERA TXARREAN

«Gure autoen amortiguadoreek igarriko dabe bidea asfaltetea», esan dau errepidearen erabiltzaile batek

ZEBRA-BIDEAK

Txibitxiaga eta Zubiaurtar Kepa kaleetan hiruna altxautako zebra-bide ipiniko dabez

batetik, Bizkaiko Foru Aldundiak argiak ordainduko dauz.

Bermeoko zeharkalea konpontzen diharduen bitartean, trafiko arazoei konponbidea emoteko neurriak hartuko dira. Bidea apurtu behar izango denez, errepidearen arrailen bat zarratu beharrean ikusiko dira beharginak. Autoei bidea emoteko, behin behineko semaforoak edo beharginek eurak maneatuko dabezan eskuzko seinaleak erabiliko dira. «Kontuan izan behar da,

fresadorea eta kamioi handi bat aldi batera ibiliko dirala beharrean. Argi dago eurentzako bakarrik arrail oso bat beharko dala», dino Eugenio Albonigak.

Horrezaz ganera, Bermeoko Udaltzaingoa aurreratu dabenez, beharginak Artza aurrealde asfaltetan hasten diranean, trafikoa beste kale batzuetatik desbideratu beharko da. Hori gertatuko dan momenturako, Udalak pazientzia eukitea eskatu deutse herritarrei.

Landabaso Poligonoan dagoen gasolindegiraino ailegetan dan bihurguneko zorua asfaltau ostean, zebra-bide altxauak ipiniko dauz Udalak errepide guztien luzeran banatuta. Guztira, horrelako sei zebra-bide ipiniko dabez; hiru Txibitxiaga kalean zehar, eta beste hiru Zubiaurtar Kepa kalean. «Tramu luzeetan ipiniko doguz, autoek abiadura gehien hartzen daben leketan, hain zuzen be», azpimarratu dau Albonigak.

Hiru edo lau aste barru obrak amaitzeko itxaropena dagoela esan dabe Udalekoek. Baina halan eta guzti be, eta holakotan normala izaten dan moduan, ezustekoak sortu leitez.

GERNIKA-LUMO

Odol emoileen kopuruak gora egin dau aurtan be

I.A. |

Gernikako Odolkideak Alkartek emondako datuen arabera, igaz 1.200 pertsonak emon eben odola uriko Mutuan. 2000. urteko kanpainearen datuakaz konparatuta, ez da alde handiegirik emon. Izan be, 40 bat lagun gehiago baino ez dira izan odola emon dabena.

Aitatutako odol emoileen kopurua azkenengo hiru urteetako bardina da. Halandabe, Odolkideak alkarteko buruaren berbetan, «kopuru hori gainditzeko gai garala pentsetan dogu. Odola emotek daukan garrantziaren ganeke gero eta informazio gehiago emoten gabiltz, eta unidadeak be, aurreko urteetan baino gehiago zabaltzea lortu dogu. Gure asmoa 1.500 odol emoile izatea da».

Aitatzekoa da, barriz, Gernikako fabriketan odola emoterakoan izan dan gorakadea. Izan be, 109tik 120 odolemoile izatera igaro ziran igaz Gernika-Lumon. Beste alde batetik, kontuan euki behar da, baita, Ean igazko udan egin zan odola emoteko txandara, 35 bat lagun joan zirala. Barrutialde Institutuan, oster, 4 gazte baino ez ziran animau.

Odol emoileen adin zatiketea egin ezker, emoileen %25,39, 18 eta 30 urte bitarteko gazteak dirala ikusi da. Atal horren barruan, erdia baino apur bat gehiago emakumezkoak dira. Odol emoileen %63,90, 31 eta 45 urte bitarteko nagusiak dira eta %31,19, 46 eta 65 urte bitarteko herritarrek.

Gernika-Lumoko odolemoileen ordezkartizan, eskualdeko 20 herrietako emoileei eskaintzen deutsee zerbitzua. Batzuk 25 urte baino gehiago daroez odola emoten. Gernikan ipinten diran unidadeak Geltoki plazan (Mutuan) eta inguruko lantegietan egoten dira. Odola emoteko hiru baldintza bete behar dira: 18 urte beteta izatea, 50 kilometrik gora eukitea eta osasunez ondo egotea.